

## **Greenland Oil Spill Response A/S-ip inuiaqatigiinni akisussaaffeqarnera – Corporate Social Responsibility (CSR) Politik**

### **Nalinginnaasumik**

Greenland Oil Spill Response A/S-ip (GOSR) ingerlatseqatigiiffittut Namminersorlutik Oqartussanit pigineqartutut, uuliamik mingutsitsinissamut upalungaarsimanermut aamma uuliamik mingutsitsinermut akiuiniarnermut allanillu Kalaallit Nunaanni aatsitassanut suliaasaqarfiup iluani assingusunik suliaqarnermut tunngatillugu assingusunik suliaqarnissamik ingerlatsinissaq, siunertarivaa. Aammattaaq Kalaallit Nunaanni aatsitassanut suliaasaqarfiup iluani uuliamik mingutsitsinissamut upalungaarsimanermik pilersitsinermut ingerlatsinermut inerisaanermullu GOSR peqataassaaq, ilanngullugit sungiusarnerni eqeersimaartumik peqataanikkut. Anguniagaq tamanna soqutigisaqartut suleqatigisartakkallu, piginnittoq, oqartussat ingerlatsinermilu attaveqaatit inuiaqatigiillu suliffigisatta suleqatiginerisigut GOSR-ip illersorsinnaasumik tutsuiginassusilimmillu sulissutiginiarpaa. Kalaallit Nunaanni allanilu inatsisit, kiisalu Naalakkersuisut ingerlatseqatigiiffinni Namminersorlutik Oqartussat pigisaanni pitsaasumik ingerlatsisoqarnissaanut maleruaqqusaasut naapertorlugit suliqarnitsinnik ileqqorissumik, pijuartitsisussamik akisussaassusilimmillu ingerlatsinissamik pisussaaffeqalerpugut.

### **Ingerlatsinermi attaveqaatinut tunngasut**

Kalaallit Nunaata CSR-imut tunngatillugu pisussaaffiisa isumannaatsumik ingerlanneqarnissaasa qulakkeernissaa siunertaralugu, CSR-imut tunngatillugu susassaqarfiup suleqatigisartakkatsinnut, pisartagalinnut ingerlatsinermillu attaveqaatitsinnut ersarinnerulersinnissaa, suliniutigissavarput.

Suleqatigisartakkagut, pisartagaqartut ingerlatsinermilu attaveqaatit sunnerniassallugit, kiisalu GOSR ingerlanneqarnera pijuartitsisumik avatangiisinut ajoqutaasinnaasunut sunniutinik annikillisaataasumik, aammalu nunani tamalaani inuit pisinnaatitaaffiisa akuerineqartut ataqqillugit ingerlatsisoqarnissaa, ingerlatseqatigiiffiup sunniuteqarsinnaanerata iluani anguniagaraarput.

GOSR-ip CSR-ia, Peqqissutsimut, Avatangiisinut Isumannaallisaanermullu (SMS) politikkaa suliffeqarfitta kultooriani ilaalluinnartutut inissisimapput.

### **GOSR-ip inuiaqatigiinni inissisimanera**

Kalaallit Nunaanni sinerissap avataani uuliasiorluni misissuinissamut pisinnaatitsissummik pigisaqartut tamarmik GOSR-imi pisartagaqartuussapput. Pisinnaatitsissummik pigisaqartut upalungaarsimanissamut pilersaarusiaat kimittunerulersinniarlugit, naggataatigullu uuliakoortoqalissagaluarpat avatangiiseq sapinngisamik pitsaanerpaamik illersorsinnaajumallugu, tamanna pissaaq. GOSR tassunga atatillugu atorluarsinnaasumik allanngutsaalisamillu imaani mingutsitsinissamut akiuiniarnermut atortunik isumaginnissalluni pisussaataavaoq.

Tamatuma saniatigut imaani uuliamik mingutsitsinissamut akiuiniarnermi nuna tamakkerlugu najugaqarfinnilu ilisimasassat inerisarneqarneranni GOSR peqataassaaq. Taamaattumik GOSR nunani tamalaani attaveqaatinik pitsaasunik, aaqqissuusnaanermi ilisimasassanik nutartikkanik misilittakkanillu qulakkeerisinnaasunik inerisaassaaq allanngutsaaliussallunilu.

Kiisalu GOSR nunami namminermi uuliamik mingutsitsinissamut upalungaarsimasunik pilersitseqataassaaq, ingerlatseqataassaaq inerisaaqataassallunilu. GOSR nammineq kajumissutsimik uuliamik mingutsitsinissamut upalungaarsimasunut siuttuuvoq. Upalungaarsimasut taakkua, ilaatigut sungiusarnerni peqataanikkut, GOSR-ip sungiusartarpari. Upalungaarsimasunut takkununga GOSR piumasaqaatitaqanngitsumik sulilersitsisarpoq, taamaallaat nammineq kajumissutsimik suliaqartut 18-leereersimassapput aammalu avatangiisini upalungaarsimanermut soqutiginnissallutik. Uuliakoornernut akiuiniartartut sungiusarlugillu ilinniartinnissaannut GOSR pisussaaffeqarpoq, taakkualu sungiusarnermini ilinniarnerninnilu aningaasanik taarsiissutitut pissarsissapput. Piumasaqaatitaqanngitsumik sulilersitsisarneq ingerlatseqatigiiffimmi assigiinngissitaartitsinermik qulakkeereqataavoq.

### **Politikkip GOSR-ip ingerlaneranut aaqqissuussaananullu pingaaruteqarnera**

GOSR-ip sulisuisalu ingerlatseqatigiiffiup ingerlatsinermit ileqqorissaarnissamut maleruagassai malippaat. Suliagut innarligassaanginneq ataqqillugu, isumannaatsumik unneqqarissumillu pissusilersorfiusumik ingerlattarpagut, tamatigullu inunnut allanut, pisortani periaatsinut, inuussutissarsiortunut, kiisalu Peqqinnermut, Avatangiisinut Isumannaallisaanermullu ataqqinninnermik takutitsisarluta.

Suiaassuseq, suminngaanneerfik, qalipaat, oqaatsit, upperisaq, politikikkut allatulluunniit isumaqarnek, nunamit imaluunniit inooqatigiinnit suminngaaneernek, inuiannut ikinnerussuteqartunut ilaaneq, aningaasatigut pigisaqassuseq, ukiut, inunngorfik allatigulluunniit pissutsit tunngavigalugit immikkoortitsineq ajorpugut. Peqquserlunneq allatigulluunniit ingerlatsinermut tunngatillugu pissusissamisuunngitsumik iliornerit akuerinngilagut, taamatuttaaq GOSR-imi, ingerlatseqatigiiffimmi sulisunut allanulluunniit iluanaarniarnek anguniarlugu tulluunngitsumik aningaasanik tunniussinerit imaluunniit tunissuteqarnerit akuerinngilagut. Innarligassaanginnerup ataqqineqarnissanut, isertuussinissamut aamma paasissutissanik eqqortumik atuinissamut suleriaaseqarpugut.

Naammagittaalliutinik anngussinissamut aamma aarlerinartunik nalunaarutiginninnissamut suleriaaseqarpugut.

CSR qullersaqarfimmi siulersuisunilu aqutsinermit sakkussaavoq, ingerlaavartumik minnerpaamillu ukiumut ataasiarluni ukiumoortumik nalunaarusiamik suliaqarnermut atatillugu CSR ullormut oqaluuserisassani ilaasarluni.

GOSR-ip CSR-imut politikkia ingerlatseqatigiiffiup ulluinnarni ingerlaneranut ilaalluinnarpoq.

CSR pillugu politikki atuuttoq sukkulluunniit nittartakkatsinni nassaarineqarsinnaavoq.